



UNIVERSITÄTS-
BIBLIOTHEK
PADERBORN

Universitätsbibliothek Paderborn

Originvm Monasticarvm Libri IV.

Le Mire, Aubert

Coloniae Agrippinae, 1620

Cap. I. Congregatio Barnabitarum, itemque altera Somaschensium
Clericorum, per B. Hieronymum] AEmilianum circa annum 1532. instituta.

urn:nbn:de:hbz:466:1-11249

CLERICORVM
REGVLARIVM
CONGREGATIONES
Variæ.

LIBER IV.

CAPUT I.

Congregatio Barnabitarum, itemque altera Somaschenium Clericorum, per B. Hieronymum AEmilianum circa an. 1532. instituta.

 Ostra patrumque memoria
ut varij monachorum ordi-
nes veterem disciplinam in v-
sum reuocarunt, sic & variæ
Clericorum seu Presbytero-
rum sœcularium, ut vocant,
Congregationes sunt exortæ,
qui more Apostolico in communi viuentes
quandam primitiæ Ecclesiæ faciem repre-
sentant.

Barnabitarum seu Apostolicorum antiquissi-

S 2 ma

276 ORIG. ORD. MENDICANT.

ma familia apud Italos nunc sub S. Augustini regula militat ex decreto Innocētij VIII. qui an. 1484. illis regulam S. Augustini præscripsit. Refert ea Congregatio sua initia ad S. Barnabam Apostolum.

Sunt & aliæ aliquot in Italia Clericorum reformatorū familiæ, vt *Somaschensis*, *Theatina*, & aliæ. de quibus ex ordine acturus, pauca præmittam de B. Hieronymo Aemiliano Somaschenis congregationis parente ac conditore.

Beatus Hieronymus AEmilianus, patricius Venetus, varijs pro Republica Veneta munib[us] egregiè perfunctus, bello ex Camera-censi fœdere aduersus Venetos æstuante ad fines ipsorum tutandos destinatur, qui ab exercitu Maximiliani Cæsar[is] in Castro nouo obfessus, captus & vinculis constrictus, ope Sæctissimæ Virginis Deiparæ eripitur, ac per medios hostes deductus, Taruisium incolis peruenit. Tanti autem haud immemor beneficij, patrimonio pauperibus distributo, vale dicens sæculo, in pietatis officijs se ipsum cœpit exercere. Itaque non modò Venetijs, sed & in alijs Italiæ vrbibus, pueros parentibus destitutos, in vnum collectos in extructis à se ædibus alendos curauit; quod & circa puellas præsttit. Multis autem peragratis vrbibus, in *Somaschæ* castro (quod inter Bergomum & Larium lacum occurrit) demum substitit, ibique multis ad eum confluentibus

alum-

alumnis congregationis Somaschenfis funda-
menta iecit, multis fulgens miraculis. Nam
cum fame multi in proximis regionibus ob-
victus inopiam conficerentur, ipse pane in
gremio suo diuinitus aucto non solùm suos,
sed etiam exteris quosque aduentantes pa-
uit. Ita verò dæmonibus erat formidolosus,
vt eos è multis obfessorum ad eum caterua-
tim aduenientiū corporibus ejiceret. Spiritu
quoque Prophetico afflatus, multa, quæ ita
euenerè, prædixit. Denique obitus sui præ-
scius, annum quinquagesimum agens ætatis,
9. Martij cessit è vita, anno reparationis no- 1537.
stræ millesimo quingentesimo tricesimo sep-
timō. Ita Philippus Ferrarius in Catalogo SS.
Italiæ, ex eius Vita per Andream Stellam, e-
iusdem Congregationis Præfectum gene-
ralem scripta.

Officio nondum colitur Ecclesiastico: se-
pulcrum tamen eius in multo est honore, ob-
varia miracula ibi patrata.

CAP V T II.

*Congregatio Clericorum
S. Pauli.*

Congregatio Clericorum S. Pauli, apud
Italos pariter florens, an. 1533. à Clemente
VII. est confirmata: à quo sit instituta, cer-
nendum compéri.